

Broj: JN/26-1056/17  
Datum: 22.02.2017.godine

Na osnovu čl. 17. stav 1., 18. stav 1., 87. stav 1. tačka b) i stav 3. i 90. Zakona o javnim nabavkama Bosne i Hercegovine („Službeni glasnik BiH“, broj 39/14), člana 2. Pravilnika o postupku direktnog sporazuma broj: 05-485/15 od 25.02.2015.godine, a postupajući po zahtjevu OJ Tehnika broj: JN/26-1055/17 od 22.02.2017.godine Direktorica donosi

**ODLUKU**  
**o pokretanju postupka usluga održavanja web stranice**

1. Odobrava se pokretanje postupka usluga održavanja web stranice za potrebe Pozorišta u skladu sa Planom javnih nabavki za 2017.godinu broj:05-351/17 od 25.01.2017.godine.
2. Procijenjena vrijednost javne nabavke (bez PDV-a) iznosi 600,00 KM (slovima: šesto KM).
3. Za provođenje predmetne javne nabavke usluga sredstva za plaćanje su predviđena u Budžetu Kantona Sarajevo za 2017. godinu, na budžetskoj organizaciji JU Narodno pozorište 22020001, konto 613900.
4. Javna nabavka će se provesti putem direktnog sporazuma.
6. Kriterij za dodjelu ugovora je najniža cijena.
7. Otvaranje i ocjenu ponuda sprovest će Komisija za javne nabavke.  
Sastav i djelokrug rada Komisije iz prethodnog stava određen je Odlukom o imenovanju Komisije za nabavku roba, vršenje usluga i izvođenje radova broj: 05-379/17 od 25.01.2017. godine.
8. Sastavni dio ove odluke je zahtjev OJ Tehnika broj: JN/26-1055/17 od 22.02.2017.godine, sa specifikacijom roba.
9. Ova odluka stupa na snagu danom donošenja.

**OBRAZLOŽENJE**

U postupku po zahtjevu OJ Tehnika broj: JN/26-1055/17 od 22.02.2017. godine utvrđeno je da je isti osnovan i da sadrži sve potrebne elemente za odlučivanje, u skladu sa članom 2. Pravilnika o postupku direktnog sporazuma broj: 05-485/15 od 25.02.2015. godine.

Pri donošenju Odluke, Direktorica se posebno rukovodila činjenicom da je predložena nabavka planirana Planom nabavki broj: 05-351/17 od 25.01.2017.godine pod rednim brojem 14. /Plan nabavki usluga/. naziv i oznaka iz jedinstvenog rječnika javnih nabavki: 48222000-0, te da je realno procijenjena njena vrijednost na tržištu, da su osigurana sredstva za isplatu i predložena odgovarajuća vrsta postupka.  
Na osnovu utvrđenog činjeničnog stanja, odlučeno je kao u dispozitivu ove odluke.

  
Direktorica  
Dipl.ing.arch. Marijela Hašimbegović

Dostaviti:  
-EPS  
-a/a

**JU Narodno pozorište Sarajevo**, Obala Kulina Bana br.9, 71000 Sarajevo, BiH, (u daljem tekstu **Naručilac**), kojeg zastupa direktorica Marijela Hašimbegović

**Logosoft d.o.o.**, Igmanska 9, 71000 Sarajevo, BiH, ID broj: 4200236190009 (u daljem tekstu **Isporučilac**), kojeg zastupa izvršni direktor za prodaju, usluge i marketing Damir Dizdarević  
dana 27.02.2017. godine, zaključili su slijedeći

## UGOVOR broj: 002-06-SA/17 o pružanju usluga Web&Mail hostinga

### Predmet ugovora

#### Član 1.

Predmet Ugovora je regulisanje međusobnih odnosa ugovornih stranaka povodom pružanja usluge web&mail hostinga, koju Isporučilac pruž **Naručiocu** od 27.02.2017. godine.

Isporučilac **Naručiocu** garantuje da će navedena usluga biti isporučena na način i pod uslovima određenim u ovom Ugovoru. **Naručilac** nema pravo dalje distribucije usluge koja je predmet ovog Ugovora.

### Opis usluge

#### Član 2.

Isporučilac pruža **Naručiocu** uslugu definisanu kao Web hosting paket pod nazivom **MAINSTREAM**. Detaljan opis sadržaja paketa i popis podržanih tehnologija za kreiranje i pohranjivanje web prezentacije za navedeni paket, nalazi se na web portalu Isporučioca <http://www.logosoft.ba/web-hosting>

**Naručilac** je dužan upoznati se sa sadržajem i karakteristikama zakupljenog paketa usluga, a potpisivanjem ovoga ugovora potvrđuje da je navedeno učinio.

Internet adresa web prezentacije, za koju Isporučilac pruža **Naručiocu** uslugu web hosting paketa, je [www.npsba](http://www.npsba)

### Obaveze Isporučioca

#### Član 3.

Isporučilac se obavezuje **Naručiocu** obezbijediti odgovarajući prostor na svojim serverima, za smještaj web prezentacije i odgovarajući broj e-mail adresa u zavisnosti od paketa usluga na koji se odnosi ovaj Ugovor (definisani u Članu 2).

Isporučilac garantuje da ima raspoložive kapacitete neophodne za zaključivanje ovoga Ugovora.

Isporučilac nije u obavezi da interveniše na opremi ili softveru **Naručioca**. Također, Isporučilac nema nikakvih obaveza oko kreiranja ili implementacije web prezentacije **Naručioca**, registrovanje domene za **Naručioca**, niti oko kreiranja i otvaranja e-mail adresa za **Naručioca**, što spada u obaveze **Naručioca**.

Isporučilac se obavezuje da svojim ponašanjem i aktivnostima neće povrijediti tajnost podataka, poruka i dokumenata kojima raspolaže **Naručilac**.

### Rokovi izvedbe

#### Član 4.

Isporučilac se obavezuje da će osigurati zakupljeni web prostor, i mogućnost otvaranja predviđenog broja e-mail adresa u roku 2 dana od dana potpisa Ugovora.

### Kvaliteta usluga

#### Član 5.

Isporučilac garantuje da će osiguravati jednaku kvalitetu i pouzdanost usluga kakvu osigurava svim svojim pretplatnicima, sa kojima ima zaključen Ugovor o pružanju usluga Web&Mail hostinga.

Isporučilac ne odgovara za kvalitetu usluge u slučaju više sile (elementarne nepogode i sl.), odnosno u slučaju događaja koje nadležni sud priznaje kao višu silu.

**Microsoft Partner**  
Gold Volume Licensing  
Gold Devices and Deployment  
Silver Hosting

**Microsoft Partner**  
Gold Identity and Access  
Silver Cloud Productivity  
Silver Small and Midmarket Cloud Solutions

**Microsoft Partner**  
Silver Learning  
Silver Midmarket Solution Provider  
Silver Datacenter  
Silver Enterprise Resource Planning



## Obaveze Naručioca

### Član 6.

Naručilac se obavezuje da će izmiriti svoje obaveze prema Isporučiocu u iznosima i u rokovima određenim ovim Ugovorom.

Naručilac se obavezuje da neće zloupotrebjavati usluge koje su predmet ovog Ugovora i da će spriječavati ona djelovanja svojih korisnika koja bi mogla biti u suprotnosti s pravnim propisima BiH, međunarodnim standardom, kodeksima i preporukama o kojima je obaviješten od strane Isporučioca, te Opštim uslovima korištenja usluga Logosofta.

Naručilac se posebno obavezuje na sljedeće:

- Da neće koristiti zakupljeni prostor za web prezentaciju za hostiranje sadržaja koji potiču vjersku ili nacionalnu mržnju, nelegalne aktivnosti ili navode posjetioce na radnje koje su u sukobu sa Zakonom,
- Da neće koristiti zakupljene e-mail adrese za slanje neželjenih e-mail poruka (spam),
- Da neće koristiti usluge na takav način kojim se krše važeći zakonski propisi ili na način kojim se pomaže u nezakonitim radnjama, posebno (ali ne isključivo) na području pornografije i autorskih prava.

## Naknada, ispostavljanje računa, uslovi plaćanja

### Član 7.

Mjesečna naknada za usluge opisane u Članu 2 iznosi 35,10 KM. U cijenu je uračunat Porez na dodanu vrijednost – PDV.

Naručilac i Isporučilac su se dogovorili da će Naručilac korištenje usluga definisanih ovim Ugovorom plaćati na godišnjem nivou, a u skladu sa ispostavljenom fakturinom od strane Isporučioca, u roku od 8 dana, na transakcijski račun Isporučioca kod:

**SBERBANK BH D.D.: 1401051120011404**

Mjesečna naknada počinje se obračunavati od trenutka uspostave usluge.

Ukoliko Naručilac ne plati račun u roku određenom ovim članom Ugovora, Isporučilac mu zaračunava zakonsku zateznu kamatu. Ukoliko, ni nakon isteka roka plaćanja računa, Naručilac na pisani poziv Isporučioca ne izmiri svoje obveze, Isporučilac ima pravo prekinuti pružanje usluga koje su predmet ovog Ugovora. Takođe, prekoračenje parametara zakupljenog paketa usluga (mjesečni saobraćaj), može povlačiti dodatnu naplatu ili privremenu obustavu usluge.

## Odgovornost za štete

### Član 8.

Isporučilac ne odgovara ni za jednu štetu, uključujući i eventualnu izmaklu dobit nastalu uslijed korištenja usluga Web&Mail hostinga.

## Važenje ugovora i njegovo trajanje

### Član 9.

Ugovor stupa na snagu danom potpisa obje ugovorne strane. Ugovor se sklapa na određeno vrijeme, od 27.02.2017. – 31.12.2017.godine.

Datum potpisa Ugovora je posljednji datum kad je Ugovor potpisan.

Na odnose koji nisu regulisani ovim Ugovorom primjenjuju se odredbe Opštih uslova korištenja usluga Logosofta i važećeg Zakona o obligacionim odnosima FBiH.

## Otkazni rok

### Član 10.

Ugovorni odnos prestaje uručanjem pisanog dopisa o raskidu Ugovora. Otkazni rok je 1 (jedan) mjesec po prijemu dopisa o raskidu Ugovora i važi za obje ugovorne strane.

Naručilac mora prije isteka otkaznog roka izmiriti sve svoje obaveze prema Isporučiocu.

**Microsoft Partner**  
Gold Volume Licensing  
Gold Devices and Deployment  
Silver Hosting

**Microsoft Partner**  
Gold Identity and Access  
Silver Cloud Productivity  
Silver Small and Midmarket Cloud Solutions

**Microsoft Partner**  
Silver Learning  
Silver Midmarket Solution Provider  
Silver Datacenter  
Silver Enterprise Resource Planning



## Član 11.

Okolnosti nepredviđene od strane ugovornih strana na koje ugovorne strane nisu mogle uticati, a koje važeći zakon tretira kao višu silu i koje mogu djelimično ili u potpunosti spriječiti izvršenje ovog Ugovora, smatraju se višom silom, i u tom slučaju period izvršenja Ugovora se produžava za vrijeme trajanja dejstva više sile. Ako djelovanje više sile onemogućilo bilo koju stranu da u cijelosti izvršava Ugovor u roku od dva mjeseca, druga ugovorna strana ima pravo raskida Ugovora, uz obavezu izmirenja međusobno stvorenog dugovanja.

U slučaju raskida Ugovora zbog više sile, Ugovor se reducira na već izvršene obaveze, a razlike se rješavaju sporazumno.

### Komunikacija među ugovornim stranama

## Član 12.

Medusobna komunikacija ugovornih strana je važeća ukoliko se odvija u pisanoj formi i ako je poslana kao preporučena pošiljka s povratnicom ili ako je poslana elektroničkom poštom sa adrese Isporučioca odnosno Naručioca. Također, validnim obavještenjem se smatra i ono koje je objavljeno na web portalu Isporučioca ([www.logosoft.ba](http://www.logosoft.ba))

### Redovno održavanje

## Član 13.

Servisni radovi će se najavljivati na način kako je to određeno Članom 12. Ugovora. Radovi će se u pravilu obavljati van radnog vremena i tokom noćnih sati.

### Poslovna tajna

## Član 14.

Isporučilac i Naručilac se obavezuju da će sve tehničke podatke o povezivanju, te sve podatke o ugovornim obavezama čuvati kao poslovnu tajnu. Isto važi i za sve podatke do kojih bi Isporučilac odnosno Naručilac došli slučajno, uslijed prirode povezivanja mreža i prijenosa podataka preko mreža.

Ugovorne strane odgovaraju za moguću poslovnu štetu koja bi nastala uslijed nevažavanja odredbe o čuvanju poslovne tajne, osim u slučajevima kada u skladu sa važećim zakonskim odredbama postoji obaveza davanja određenih informacija nadležnom organu ili instituciji, što se neće smatrati povredom klauzule o čuvanju poslovne tajne.

### Završne odredbe

## Član 15.

Ugovorne strane su saglasne da će sve eventualne sporove, koji bi nastali u vezi s izvršenjem ovog Ugovora, rješavati u konstruktivnom duhu međusobne suradnje i dobre volje. U slučaju da se strane ne mogu na ovaj način sporazumjeti, za sporove je nadležan Sud u Sarajevu.

## Član 16.

Sve promjene i dopune Ugovora su pravno valjane ako su sklopljene u pisanom obliku, potpisane i ovjerene od strane ovlaštenih predstavnika obje ugovorne strane.

## Član 17.

Ovaj ugovor se pravi u dva (2) primjerka od kojih svaki ima pravnu važnost originala. Svaka ugovorna strana zadržava po jedan (1) primjerak.

### Ugovorne strane

Za Isporučioca:

  
 Damir Dizdarević  
 Izvršni direktor za prodaju, usluge i marketing

M.P.

U Sarajevu, 27.02.2017. godine

Za Naručioca:

  
 Marijela Hasimbegović  
 Direktorica

M.P.

U Sarajevu, 02.03.2017. godine

JW 26 / 1202 / 17

**Microsoft Partner**

Gold Volume Licensing  
 Gold Devices and Deployment  
 Silver Hosting

**Microsoft Partner**

Gold Identity and Access  
 Silver Cloud Productivity  
 Silver Small and Midmarket Cloud Solutions

**Microsoft Partner**

Silver Learning  
 Silver Midmarket Solution Provider  
 Silver Datacenter  
 Silver Enterprise Resource Planning

